

師

荔

扉

詩

集

卷

十三 十二 十一

師荔扉先生詩集卷十一 雲南叢書集部之三十三

滇西師 範荔扉

嘉慶選人前集上

東張翹岱孝廉

僦屋琉璃廠書多任飽看風塵逢俊士俯仰愧粗官壺
貯冰心古竈懸月影寒何當捐俗累把卷儘盤桓

送張香亭李士元出令江西

去作西江宰風流二妙俱梅花香滿路春雨潤隨車酒
酌同舟日詩吟並轡餘他時看報最遲速更何如

白河旅夜

怕擁衾如鐵徵歌蠟炬前亦知惟取闌坐白五更天

清苑曉發

村雞聲裏路迢迢轍老霜濃馬不驕夢好仍從車上續
燈寒遠向檐頭挑月光漸淡天將曉樹影全空雪未消
身是長安無賴客幾回來去敢辭遙

過新樂縣懷袁二葦塘

塵轟古道一樓孤短堞層層壓晚蕪未識此中新令尹
風流得似葦塘無

正定道中曉行卽目

滿袖霜風滿面塵曉星殘月影逡巡詔開大宴延千叟

夾路爭趨白髮人

高邑縣拜趙忠毅公祠

遺祠拜罷夕陽紅
疑有靈旗捲北風
千載精光常聚石
一朝黨禍首因公
權璫啖比王
曹烈強漢心惟魏
左同
占硯已無如意渺
西山雪霽翠橫空
公生日星落爲
石今尚藏祠中

喜得夢白先生遺集

此回真向寶山行
喜獲雄文啟後生
心似寒冰才似海

一時天地有中聲

連制藝共
十七種

民生國計兩難忘
落紙滔滔十數行
安石碎金成底事

清詞終不是文章

書札四卷中
皆經濟語

上醫難使下醫通本草翻來意更工始信治身如治國

藥材藥性不全同

上醫本草

立德餘閒更立言風馳汗簡鳳騰騫揮毫力破千秋惑

七論蒼茫味蘖軒

味蘖軒遺稿乃戊代州時所作

丙辰立春日敬賦時在高邑

紀元首嘉慶周甲頌乾隆舊澤春常溥新猷日在中祥

開三古獨懽舞萬方同晴雪村村有銜杯祝屢豐

憶昨行春罷寅階取次升土牛喧拆凍簷馬細敲冰敬

授時方始還元瑞可徵千秋臺畔路簫鼓樂轟騰

春窓

春窻睡起透朝陽
鑼鼓聲聲鬧隔牆
硯已消冰題字易
室纔添火卸衣忙
簷喧聚雀聲初脆
樹集啼鳥羽漸張
風信故園知更早
梅花開處柳條香

孤枕

孤枕愁生夜未央
擁衾誰與計溫涼
帷虛目眩燈三面
夢醒魂消月半床
情到眞時嫌着想
人經別後怪難忘
莫將環燕論肥瘦
一樣關心向異鄉

夢南園先生

無夢意已惻有夢心逾淒
惜此須臾間未得開我迷面
目似平素談笑仍滑稽
手出所作字利如分水犀
語多

不復記霜落林鳥啼輾轉愁無眠月映西窓西

憶劍川

一鐸孤鳴七載零金華山色捲簾青池方半畝隨風縹
竹過三更帶月聽問字人來爭載酒賀春客至促談經
桃符已換松茸滿手拘茶花插膽瓶

憶榆城

連歲搖鞭逐早梅妙香城向點蒼開雲邊雁引先生去
天外春隨使者來五郡英髦錯冠履四圍花柳映樓臺
雪泥踪跡匆匆甚博得詩從萬里裁

觀心

觀心我亦感夔蛟莫把茶邊認酒邊幾見秋霜榮翠柳
未聞春水泛紅蓮老堪任事文潞國少不求仙張樂全
憲本當貧賜當富紛紛人事總由天

涉世

涉世須同涉水看半根性海半情瀾人逢順境張帆易
風便中流把舵難市井由來多斷港江山隨處得奇觀
生平我自懷忠信任爾恬波與急湍

正定途中雜憶

省親假給六旬頭暑氣蒸人坐一樓姻族本多難遍訪
匆匆五月赴皇州

龍池倚石弄琤潺日午流連薄暮還
兩道清泉千仞壁
合呼師水並師山

天南地北兩何如律轉青陽逼歲除
堂上白頭齊念我
未知接到幾封書

一門兒女盡堪思喜有家能造室
持春罷宿蒸罷酒
唾絨閒繡百花枝

那分桃葉與桃根萬里情牽橘柚村
窻下偶然停紡績
也應相對說都門

轉因嬌女倍思家歲已雙周髻未了
牽母索衣仍索粉
春燈紅照語牙牙

太行晴雪接中條一日車行百里遙如此薄遊吾豈願
京門乞米更無聊

宰官何敢冒神仙得主湖山便有緣妾解添香妻舉案
一家懽聚卜明年

晚抵伏城驛

遶山如畫影迷離輾轉雙輪向晚馳辦歲人都無緩步
含煙柳欲逞春姿胸春頓釋非關酒眼障全消自詠詩
是李端端原解事不嫌香墨染柔荑

門神

衣冠文武自年年纔有春風色便鮮看去總無真喜怒

傍人門戶少人憐

竈馬

一盞清泉一炷香
酹神未必盡黃羊
送將去更迎將轉
媚奧何如媚竈良

爆竹

聲聲響曳碧雲遙
逐隊兒童笑折腰
直到五更如炸豆
一年寒氣此中消

桃符

歲事勞人筆有聲
唐詩宋句祝昇平
家家門面新如此
無限春從紙上生

清風店度歲

又到清風店春回臘已殘
異鄉身萬里高枕日三竿
夢入梅花暖天橫雁塞寬
明年明旦是望闕整衣冠

故里逢今夜盤先備五辛
繞燈兒女開辭歲禮儀真
松葉平鋪地蘭芽暖報春
白頭相對坐遙憶宦遊人

丙辰元旦恭紀

曉雲紅映物華新
來向金臺作選人
遊遍九千餘里路
眼看四十五回春
道符天地循環密
局邁唐虞授攝真
誰似我王能備福
龍樓聽政侍嚴親

春暉總爲一人長
薄海晴開日月光
手挈乾綱歸聖子

皇朝詩林卷之十一
歲周花甲紹仁皇欽承祖澤貽謀遠動叶天心步履康
直到紀元三十五九重親奉萬年觴

張墩曉發

居然稱大鎮路半指東南春動人多倦雞鳴睡不耐極
天來海氣遮樹隱村嵐細雨看難見濛濛濕曉驂

博野道中

傍晚猶行役誰憐我僕痛道長車力軟天遠客心孤隴
麥茸茸現春雲淡淡鋪未知宿何處人語隔林呼

楊村旅舍題壁

暝霧戎戎滋曉雨微風習習解河水鶴飛有力團成井

樹老無枝禿似僧過眼烟雲人易散驚心青紫客何能
連朝蝕盡輪蹄鏤半爲尋春半友朋

時自高邑之武強

饒陽縣

棗樹林如蟹爪張女兒爭看紫衣裳春風正月饒陽路
處處鞦韆壓短牆

人日武強署齋賦呈袁二葦塘

匆匆七日喜逢人雁後花前節物新桃李一庭來舊雨

時甫童試江山萬里入靈辰本無白墮能相累

葦塘性不好飲

正有

蒼生係此身紙尾書名今不爾

丞易州日有句云一官紙尾各空署七載天涯

鬢欲絲南圍極賞之手揮霹靂盡成春

蒞武強後案無留牘

往事關心廿載前建寧城畔草芊芊詩吟東郭山三面

時南池設帳紫雲樓

酒醒南樓月滿天

每與葦塘同寓海門先生之南樓

丈室禪

難破蘇晉

謂硯北

後堂人易失彭宣

謂南海池

海隅相晤同相

憶始覺當時盡少年

同葦塘登署中後樓

蕪蕪亭畔豆苗荒坐倚高臺望更長燕地昔聞收李牧
漢兵從此得王郎河開古渡東風勁沙擁平都夕照黃
春色滿城知不淺玉簫吹出柳千章

春宵夜話葦塘示以占法並及易理

韋編絕後寂無聲空說乾坤此內生上座雄談王輔嗣

三升清酒管公明始知文字皆枝葉都被詞華掩性情
何日梅花香裏住露硃研點酌虛盈

題武強明經石黃巖詩後

體溯葩騷味獨醇喜從斯地識斯人小山賦罷身將隱
河渚田荒草自春品到高時原近冷心當苦後始能真
寥寥此調憑誰賞郊藪徒聞集鳳麟

贈段廣文並憶永郡諸舊遊

十五年前海上舟

署中齋名

一時交臂盡名流與君縱未成

相識此會從知不易求春到雁河齋似水人來蒲泊鬢
先秋半鴈清况原堪笑我亦曾經耗束修

女蓮生日

婉孌吾嬌女三周正此辰笙簫元夜酒憔悴夢蓮人有
爾情堪慰知予念更真幾時嬉膝下吳風補衣新

丙辰元宵時在武強賦呈葦塘明府

別久方知誼更親客衣都未染緇塵東風暖入傳柑節
百里春回卧雪人燈火四圍花爛漫笙歌滿院月逡巡
元宵景是元年好仰首晴雲接紫宸

署樓觀燈

春入滄沱水天橫武遂城人空隨馬去月肯讓燈明徒
倚樓千尺誼騰漏四更暖風吹笑語佳氣此中生